



БУГУН «ҲАРАКАТЛАР СТРАТЕГИЯСИ ВА КУЧЛИ ИЖТИМОЙ СИЁСАТ: ХАЛҚАРО АМАЛИЁТ ВА ЎЗБЕКИСТОН ТАЖРИБАСИ» МАВЗУСИДАГИ ХАЛҚАРО КОНФЕРЕНЦИЯ ЎЗ ИШИНИ БОШЛАЙДИ

Ishonch

Юрт тараққиёти йўлида бирлашайлик!

2018 йил 24 апрель • сешанба • № 48 (4021)

Ўзбекистон қасаба уюшмалари Федерацияси нашри • Газета 1991 йил 21 мартдан чиқа бошлаган • www.ishonch.uz • e-mail: xatlar@ishonch-doverie.uz

ТУРКМАНИСТОН МИЛЛИЙ КЎРГАЗМАСИ ИШТИРОКЧИЛАРИ ВА МЕХМОНЛАРИГА

Ҳурматли кўргазма иштирокчилари! Туркменистоннинг етакчи корхоналари, компания ва ташкилотлари раҳбарлари! Қадрли дўстлар!

Туркменистон Президенти ҳурматли Гурбангули Миялигулиевич Бердимухамедовнинг Ўзбекистон Республикасига давлат ташири доирасида Тошкентда ўтказилаётган Туркменистон миллий кўргазмасининг барча иштирокчилари ва меҳмонларини улкан мамнуният билан самимий қутлайман.

Ўзбекистон ва Туркменистон — стратегик шериклардир. Бизнинг халқларимизни кўп асрлик дўстлик ва яхши қўшничилик ришталари, умумий тарих, дин ва тил, маданият, урф-одат ва анъаналар муштараклиги мустаҳкам боғлаб келади.

Ўзбекистон ва Туркменистон ўртасидаги кўп қиррали ҳамкорлик қатъий сиёсий ирода ҳамда олий даражадаги самарали учрашувлар давомида эришилган қўшничилик биргаликда амалга оширилган таълимий-иқтисодий ҳамкорлик, аниқ маъно-мазмун билан боғлиқ бўлган.

Ҳеч шубҳасиз, ўзаро ҳамкорлигимизнинг устувор

йўналишини савдо-иқтисодий соҳа ташкил этади. Ўтган қисқа даврда биз бу борада ҳақиқатан ҳам муҳим аҳамиятга молик натижаларга эришдик.

Кейинги йилларда биринчи марта ўзаро савдо ҳажми жадал суръатлар билан ортиб бормоқда. Мамлакатларимиз корхоналари ва ташкилотлари ўртасида иқтисодийнинг анъанавий равишда бир-бирини тўлдирадиган тармоқларида кооперация алоқалари кучаймоқда.

Бу ўринда аввало ёқилғи-энергетика мажмуаси, қишлоқ хўжалиги, машинасозлик, темир йўл транспортини модернизация қилиш ва бошқа кўплаб соҳалардаги лойиҳалар ҳақида сўз бормоқда.

Биз транспорт коммуникацияларини ривожлантириш ҳамда давлатларимиз ва бутун минтақамизнинг улкан транзит салоҳиятини самарали ишга солишга қаратилган ўзаро манфаатли ҳамкорликни кенгайтирмоқдамиз.

Таъкидлаш керакки, бугунги кунда мамлакатларимиз бизнес ҳамжамиятлари ўртасидаги ички ишбилармонлик алоқалари ҳамда ҳудудлараро мустақамланиб бораётган ҳамкорлик доирасида кенг истиқболлар очилмоқда.

Муҳтарам дўстлар!

Бундан бир ой олдин Ашхобода Туркменистон Президентининг бевосита қўллаб-қувватлаши билан Ўзбекистон миллий саноат кўргазмаси муваффақиятли ўтказилган ва у туркменистонлик шерикларимизда катта қизиқиш уйғотган эди.

Бугун биз мамлакатимизнинг нафақат ишбилармон доиралари, балки бутун жамоатчилигининг эътибор марказида турган Туркменистон миллий кўргазмасини очмоқдамиз.

Кўргазма мажмуасида бугунги Туркменистон иқтисодиётининг улкан салоҳияти ва юсак эътирофга молик ютуқлари, унинг бой табиий, илмий ва интеллектуал ресурслари, замонавий технологиялари кенг намойиш этилмоқда.

Шу билан бирга, бу ерда ташкил этилган ёрқин экспозиция қардош туркман халқининг қадимий ва ноёб маданияти ҳамда анъаналари билан яқиндан танишиш имконини беради.

Туркменистоннинг халқаро-микёсда эътироф этилган барча ютуқлари ҳурматли Гурбангули Миялигулиевич Бердимухамедовнинг чуқур уйлан-

ган, самарали сиёсати натижаси эканини алоҳида қайд этишни истардим.

Қадрли кўргазма иштирокчилари ва меҳмонлари!

Сизларни икки томонлама муносабатларимиздаги қўлдош воқеа — Ўзбекистон пойтахтида Туркменистон миллий кўргазмаси очилиши билан яна бир бор чин қалбимдан табриқлайман.

Ишончим қомил, кўргазма якунида иқтисодиётнинг турли тармоқларида кооперация алоқаларини ривожлантиришга, мамлакатларимиз ўртасидаги ўзаро манфаатли ҳамкорликни дўст халқларимиз фаровонлиги йўлида янада мустаҳкамлашга хизмат қиладиган истиқболли лойиҳаларни амалга ошириш бўйича янги савдо шартномалари ва битимлар имзоланади.

Барчангизга кўргазмада самарали иш олиб бориш, муваффақиятли музокаралар ўтказишни тилайман.

Меҳмондўст Ўзбекистон заминига хуш келибсиз!

Шавкат МИРЗИЁЕВ,
Ўзбекистон Республикаси Президенти

ТУРКМАНИСТОН МИЛЛИЙ КЎРГАЗМАСИ — ИККИ ДАВЛАТ ҲАМКОРЛИГИНИНГ ЯНГИ ИСТИҚБОЛЛАРИ

Туркменистон Президенти Гурбангули Бердимухамедовнинг Ўзбекистонга давлат ташири доирасида Тошкентда Туркменистон миллий кўргазмаси бўлиб ўтмоқда. Унда қўшни давлатнинг етакчи корхоналари, компания ва ташкилотлари, йирик тадбиркорлик субъектлари иштирок этиб, миллий маҳсулотлар, иқтисодиёт соҳасидаги илғор технологиялар, хизматларни намойиш этмоқда.



» 2

Сўз — иштирокчиларга

Муҳим анжуман бўсағасида

АВВАЛ ХАБАР БЕРГАНИМИЗДЕК, ҚАСАБА УЮШМАЛАРИ ФЕДЕРАЦИЯСИ ТАШАББУСИ БИЛАН 24-26 АПРЕЛЬ КУНЛАРИ ТОШКЕНТДА «ҲАРАКАТЛАР СТРАТЕГИЯСИ ВА КУЧЛИ ИЖТИМОЙ СИЁСАТ: ХАЛҚАРО АМАЛИЁТ ВА ЎЗБЕКИСТОН ТАЖРИБАСИ» МАВЗУСИДА ХАЛҚАРО КОНФЕРЕНЦИЯ БЎЛИБ ЎТАДИ. УШБУ НУФУЗЛИ АНЖУМАНДА ҚАТНАШИШ УЧУН ТАШРИФ БУЮРГАН ХАЛҚАРО ТАШКИЛОТЛАР ҲАМДА ҚАСАБА УЮШМАЛАРИ МАРКАЗЛАРИ ВАКИЛЛАРИНИНГ МАЗКУР АНЖУМАН ҲАҚИДАГИ ФИКР-МУЛОҲАЗАЛАРИ БИЛАН ҚИЗҚИДК.



Мария Хелена АНДРЕЕ,
Халқаро меҳнат ташкилотининг меҳнаткашлар фаолияти бўйича Бюроси (ACTRAV) директори:

— Ўзбекистонда ўтказилаётган ўта муҳим ва нуфузли тадбирда илк бор иштирок этиш имкониятига эга бўлиб турганимдан хурсандман. Кези келганда таъкидлашни истардимки, мана бир неча йиллардан бери меҳнаткашлар фаолияти бўйича ХМТ Бюроси билан ҳамкорлик қиладиган ушбу давлат биз учун устувор мамлакатлар рўйхатидан

жой олиб келмоқда. Бу юртингизда аҳоли фаровонлигини ошириш, бандлик, муносиб меҳнат шaroити ҳамда меҳнаткашларнинг ижтимоий-иқтисодий ҳуқуқлари ва манфаатларини ҳимоя қилиш йўналишларида амалга оширилган катта ишлар самарасидир. Эътиборли жиҳати, қасаба уюшмалари ўзининг асосий вазифалари билан бир каторда, мамла-

кат ижтимоий-иқтисодий ҳаётини ҳамда ижтимоий соҳада қонун ижодкорлиги фаолияти билан ҳам жиддий шугулланаётди. Конференцияда долзарб масалаларни атроф-лича муҳокама қиламиз ва тўпланган тажрибаларимиз билан ўртоқлашамиз, бу эса барчамиз учун фақат наф келтиришига ишончим қомил.

КҲН НАФАСИ

Давлатимиз раҳбари Шавкат Мирзиёев Қобул ва Пули-Хумри шаҳарларида содир этилган террорчилик ҳаракатлари оқибатида қўллаб инсонлар ҳалок бўлгани муносабати билан Афғонистон Ислам Республикаси Президенти Мухаммад Ашраф Ғанига мактуб йўллади.

Президент матбуот хизмати ҳабарига кўра, Шавкат Мирзиёев ўз мактубида Афғонистон халқи, марҳумларнинг оила аъзолари ва яқинларига ҳамдардлик билдирди.

Абдулла Қўлдошев Фавкуллода вазиятлар вазирининг биринчи ўринбосари лавозимига тайинланди. Бу ҳақда вазирлик сайтида расмий хабар берилган.

Абдулла Қўлдошев бунгача Ички ишлар вазирлиги Ёнгин хавфсизлиги институтини бошлиғи лавозимида фаолият юритган. 2005 — 2007 йилларда ички ишлар вазирини ўринбосари лавозимида фаолият кўрсатган.

Фарҳод Эрматов Хоразм вилояти ҳокими вазифасини бажарувчи этиб тайинланди.

Фарҳод Эрматов 1995 — 1998 йилларда Амуларё тумани ҳокими, 2004 — 2010 йилларда Қорақалпоғистон Республикаси Қишлоқ хўжалиги вазирини, 2010 йилдан бунён Беруний тумани ҳокими лавозимларида фаолият юритган.

Жиззах вилояти ички ишлар бошқармаси бошлиғи лавозимига генерал-майор Ғайрат Қолиров тайинланди. Илгари Жиззах вилояти ИИБ бошлиғи лавозимида ишлаган полковник Рустам Турсунов Навоий вилояти ИИБни бошқарадиган бўлди.

Олмасор тумани Талабалар шаҳарчасидаги «Ёшлар иттифоқи» маданият саройида «Ўзбекистон Қўрьон мусобақаси — 2018»нинг республика босқичи давом этмоқда.

Ҳамама бирдек қулайлик туғдириш мақсадида Қўрьон мусобақаси 16 та ҳудудда онлайн тарзда трансляция қилинмоқда.

Маълумотларга кўра, мусобақанинг Ҳифз йўналиши бўйича 1-ўрин соҳибига Президент совғаси сифатида автомобиль, Тилолат йўналиши ғолибига Ҳаж йўлланмаси берилди.

«GM Uzbekistan AJ» матбуот хизмати хабарига кўра, «Chevrolet Orlando» русумли автомобиль ишлаб чиқарилиши 16 апрелдан бошлаб тўхтатилади.

Яқин келажакда Тошкент шаҳрида йўл ҳаракати иштирокчиларидан бири бўлиши пилдлар учун қулайлик яратиш мақсадида 22 та ерусти пилда ўтиш кўприкларини барпо этилади.

Тошкент шаҳар ИИББ ЙХХБ бошлиғи Барат Маменов Бош прокуратура ҳузуридаги Ахборот-таҳлил медиа марказида бўлиб ўтган матбуот анжуманида шу ҳақда маълум қилди.

Интернет нашрлари ва ўз муҳбирларимиз хабарлари асосида тайёрланди.

41

Гурбангули Бердимухамедов давлатимиз раҳбарига таклиф учун миннатдорлик билдириб, мамлакатларимиз ўртасидаги ҳамкорлик барча соҳаларда муттасил тараққий этаётганини мамнуният билан қайд этди.

— Туркменистон ва Ўзбекистон тинчлик-севар давлатлар, яхши қўшнилари сифатида танилган. Мамлакатларимиз халқаро майдонда ҳам, ўзаро алоқаларда ҳам бир-бирини қўллаб-қувватлайди. Бугунги музокаралар ўзаро алоқаларни янада мустаҳкамлаш учун яхши имкониятдир. Туркменистон Ўзбекистон билан ҳамкорликини барча соҳалар бўйича кенгайтиришга тайёр, — деди Гурбангули Бердимухамедов.

Минтакавий ҳавфсизликни мустаҳкам-

нефть ва нефть маҳсулотлари, механик ускуналар, пропилен полимерлари, бошқа қимёвий товарлар келтирилади.

Ўзбекистон ва Туркменистон иқтисодий-ётида ҳали тўла ишга солинмаган кўплаб имкониятлар мавжуд. Улардан фойдаланиб, ўзаро савдо айланмасини жадал ошириш ва номенклатурасини кенгайтириш зарурлиги таъкидланди. Икки мамлакат бозорларига харидорғир маҳсулотлар етказиб бериш, худудлар ўртасидаги ҳамкорлиқни ривожлантириш, тадбиркорлик субъектлари учун қулай шарт-шароитлар яратиш масалалари муҳокама қилинди. 2020 йилга бориб товар айирбошлаш ҳажмини 500 миллион долларгача етказиш учун зарур чора-тадбирларни амалга оширишга қелишиб олинди.

ланган. Бу яқинлик маданий-гуманитар соҳадаги ҳамкорлик ривожига мустаҳкам асос бўлмоқда.

Ўзбекистон таълим муассасаларида Туркменистоннинг 720 фуқароси таҳсил олмақда. Ўзбекистон ва Туркменистон вакиллари икки мамлакатда ташкил этилаётган турли маданий тадбирлар, концертлар, фестиваллар ва танловлар, спорт мусобақаларида фаол иштирок этмоқда.

Ўзбекистон спорт делегацияси 2017 йилнинг сентябрь ойида Ашхобода ўтган V Ёшлар олимпиадасида ва жанг санъатлари бўйича Осиё ўйинларида иштирок этди. Ноябрь ойида Туркменистонда Ўзбекистон маданияти кунлари ўтказилди. Ушбу тадбир доирасида мамлакатимиз санъат усталари ва мада-

лик тўғрисида ҳамда 2019 — 2021 йилларга мўлжалланган илмий-техникавий ҳамкорлик тўғрисида ҳукуматлараро дастурлар, Ўзбекистон ва Туркменистонда савдо уйлари ташкил этиш, икки мамлакат Савдо-саноат палаталари ўртасида ишбилармонлар кенгаши ташкил этиш тўғрисида битимлар, Ўзбекистон ва Туркменистон Ташқи ишлар вазирликлари ўртасида 2019 йилга мўлжалланган ҳамкорлик дастури имзоланди.

Икки томонлама ҳамкорлиқни кишлоқ хўжалиги, ёшлар, хотин-қизлар масалалари, фан-техника, қасаба уюшмалари ва бошқа соҳаларда янада мустаҳкамлашга доир ҳужжатлар қабул қилинди. Ўсимликлар карантини соҳасида ҳамкорлик қилиш тўғрисида битим, икки мамлакат қасаба уюшмалари ва хотин-қизлар қўмиталари ўртасида Ангашув меморандумлари, ёшлар ташкилотлари ўртасида Ангашув меморандуми шулар жумласидандир.

Шунингдек, ташриф доирасида олий ўқув юртлири ўртасида ва ахборот-коммуникация соҳаларига оид 15 ҳужжат имзоланди.

Оммавий ахборот воситалари вакиллари билан учрашувда Президентлар музокаралар очик, самимий, ишчанлик руҳида ўтгани, имзоланган ҳужжатлар Ўзбекистон ва Туркменистон халқлари манфаатлари йўлидаги серкирра ва дўстона муносабатларни янада ривожлантиришга хизмат қилишини қайд этдилар.

Куннинг иккинчи ярмида Туркменистон Президенти Гурбангули Бердимухамедов Ўзбекистон Республикаси Президенти Шавкат Мирзиёев ҳамроҳлигида Мустақиллик майдонига ташриф буюрди. Олий мартабали меҳмон хурриятимиз, порлок истиқболимиз ва эзгу ниятларимиз рамзи бўлган Мустақиллик ва эзгулик монументи пойига гул қўйди.

Шундан сўнг, Гурбангули Бердимухамедов Ўзбекистон Республикасининг Биринчи Президенти Ислам Каримов хайкали пойига гул қўйиб, Буюк Йўлбошимиз хотирасига ҳурмат бажо келтирди.

2017 йил май ойида ўзбек ва туркман халқлари боқий дўстлиги ҳамда қардошлигининг рамзи сифатида Тошкент шаҳрида Махтумқули номидаги кўча ва унга бағишланган меъморий ёдгорлик очилган эди.

Шавкат Мирзиёев ва Гурбангули Бердимухамедов Махтумқули кўчасига ташриф буюрди. Президентлар машҳур туркман шоири ва мутафаккири ёдгорлиги пойига гул қўйди.

Яхлит ансамблга айланган бу хийбон Гурбангули Бердимухамедовда катта таассурот қолдирди. Туркман халқи, адабиёти ва маданиятига қўрсатилаётган ҳурмат-эҳтиром учун давлатимиз раҳбарига миннатдорлик билдирди.

Туркменистон Президентининг Ўзбекистонга ташрифи шарафига Махтумқули кўчасида «Ашхобод сайлгоҳи» барпо этилди. Икки давлат раҳбарлари ушбу сайлгоҳнинг очилиш маросимида қатнашдилар.

Президентлар богда яратилган шароитлар билан танишди. Икки давлат раҳбарлари Туркменистон ва Ўзбекистон ўртасидаги дўстлик ва яхши қўшничилик алоқаларининг рамзи сифатида «Ашхобод сайлгоҳи»га қўчат ўтказди.

Туркменистон Президенти Гурбангули Бердимухамедовнинг мамлакатимизга давлат ташрифи давом этмоқда.

Матназар ЭЛМУРОДОВ,
ЎЗА мухбири

Муҳим анжуман бўсағасида

41

Сергиус
ГЛОВАЦКАС,

ХМТнинг меҳнаткашлар фаолияти бўйича Бюроси (ACTRAV)нинг Европа ва Марказий Осиё сектори мудир:



— Бу менинг ушбу мамлакатга биринчи ташрифим эмас. Биз етарли даражада ҳамкорлик қилиб келаётимиз. Анъанавий давра суҳбатлари, семинар ва тренингларда мунтазам қатнашамиз. Шу билан бирга, таъкидлашим лозимки, мазкур конференция ўзининг қўламини ва қатнашчиларнинг сонига кўра тарихий аҳамият касб этмоқда. Анжуманда Марказий Осиё минтақасидаги барча қасаба уюшма марказлари илк бор иштирок этаётгани эса янада қувонарлидир. Шубҳа йўқки, Тошкент анжумани ўзининг самарали натижалари билан барчамиз учун фойдали бўлади.



Қосим
ҚОДИРИЙ,

Тожикистон мустақил қасаба уюшмалари Федерацияси раиси:

— Биз делегациямиз аъзолари билан Ўзбекистонга автоматик равиш билан келдик. Биласизми, икки давлат чегарасида одамлар гавжум, уларнинг юзидаги миннатдорликни кўрсатиш мумкин эмас. Қарийб чорак асрдан буён масофа нуктаи назардан ёнма-ён яшаб келган бўлса-да дийдорлашиб имконидан маҳрум бўлган қариндошлар, оғанилар учун мамлакатларимиз ўртасидаги инқилобий муносабатлар ўзгариши оламшумул янгиллик сифатида қабул қилинмоқда. Ахир бу инсонлар тақдирига дахлдор хурсандчилик. Икки давлат раҳбарлари хоҳиш-иродаси билан қўйилган эзгу қадамлар «икки тилда сўзлашувчи бир халқ»нинг бир-бирига бекиёс меҳрини уйғотганини сўз билан таърифлаш қийин. Ўзбекистонга кириб келар эканмиз, бизни йўллардаги тигиз транспорт оқими чин маънода хайратга солди. Буни халқнинг фаровонлиги белгиси, бир сўз билан айтганда, унинг яхши яшаётганидан бир далолат сифатида баҳоладик.

Қодаверса, бугун Ўзбекистон ва Тожикистон қасаба уюшмалари ўртасида ўзаро ҳамжиҳатлик ва ҳамкорликда ишлаш бўйича Меморандумни имзолаганимиз, ўйлаймизки, муносабатларимизда муҳим қадам, изчил ҳамкорлик йўлида мустаҳкам замин бўлиб хизмат қилади. Ўзбекистон қасаба уюшмаларининг глобал муаммолар юзасидан ўзига хос мулоқот майдони яратиб, халқаро конференция ташкил этаётгани янада қувонарли. Анжуман ишига улкан муваффақият тилаб қоламиз.



Марат
ТОГЖАНОВ,

Қозоғистон қасаба уюшмалари Федерацияси раисининг ўринбосари:

— Ўзбек ва қозоқ халқларини дунёдаги энг яқин қардош эллар десам муболаға қилмаган бўламан. Ўзим тарихчи бўлганим учун ҳам бизнинг ўтмишимиз бир-бирига узвий туташиб кетганини алоҳида таъкидлашим келади. Сизларнинг муваффақиятинингизни ўз халқимизнинг ютуғи сифатида баҳолайман. Бугун Ўзбекистон дунёга шиддат билан уйғуллашувини бошлади. Президент Шавкат Мирзиёев томонидан илгари сурилаётган улғувор ва эзгу ғоялар, истиқболли, ҳар икки давлат учун ниҳоятда юксак аҳамиятга эга бўлган ташаббусларни Қозоғистоннинг ҳар бир фуқароси мамнуният билан қутиб олмақда. Биз ҳамжиҳатлик тарафдоримиз. Халқаро конференция кун тартибига қўйилган масалалар биз учун ҳам муҳим ва аҳамиятли. Биз унда фаол иштирок этиб, илгари сурилаётган ташаббусларни қўллаб-қувватлаш ниятидамыз.



Рисгул
БАБАЕВА,

Қирғизистон қасаба уюшмалари Федерацияси раисининг ўринбосари:

— Биз Ўзбекистоннинг барча йўналишларидаги очик ва прагматик сиёсатини тўла қўллаб-қувватлаган ҳолда, бундан буён изчил ҳамкорлик таклиф этилаётганидан бағоят хурсандимиз. Халқларимиз ўртасидаги азалий яқинлик ҳам бунга ҳаммаҳандир. Айнан шунга кўра ҳам Ўзбекистон қасаба уюшмалари Федерациясининг яқин қўшни мамлакатлар қасаба уюшмалари билан ўзаро алоқаларни янада мустаҳкамлаш ниятида эканлиги бизни беҳад қувонтиради. Чунки биргаликда муҳокама қиладиган, ҳамжиҳатликда ечим излайдиган масалаларимиз оз эмас. Ўйлаймизки, эртага бошланажак халқаро конференция бу фикрлашувлар учун ўзига хос платформа вазифасини ўтайди.

ЎЗ мухбирларимиз.

Ўзбекистон — Туркменистон: ҲАМКОРЛИКНИНГ ЯНГИ БОСҚИЧИ

лаш мамлакатларимиз ҳамкорлигида алоҳида аҳамият касб этади. Ўзбекистон ва Туркменистон Марказий Осиёда тинчлик ва барқарор ривожланишнинг самарали механизmlарини яратиш тарафдоридир. Мамлакатларимиз Афғонистондаги вазиятни барқарорлаштириш бўйича яқиди фикрга эга.

Учрашувда терроризм, экстремизм, наркотикларнинг ноқонуний айланishi, транс-миллий уюшган жиноятчилик ҳамда халқаро хавфсизликка таҳдид соладиган бошқа хавф-хатарларга қарши курашишдаги ҳамкорлиқни янада мустаҳкамлаш зарурлиги қайд этилди.

Президентимиз Шавкат Мирзиёев жорий йил 15 март кунини Қозоғистоннинг Остона шаҳрида ўтган Марказий Осиё давлат раҳбарларининг биринчи маслаҳат учрашувини ўтказиш ташаббусини қўллаб-қувватлагани учун Гурбангули Бердимухамедовга миннатдорлик билдирди.

Мулоқотда Ўзбекистон билан Туркменистон ўртасидаги сиёсий, савдо-иқтисодий, маданий-гуманитар ва бошқа соҳалардаги ҳамкорлиқни янада ривожлантириш масалалари муҳокама қилинди. Томонларни кизиктирган минтақавий ва халқаро аҳамиятга молик масалалар юзасидан ҳам фикр алмашилди.

Музокаралар икки мамлакат расмий делегациялари иштирокида кенгайтирилган таркибда давом эттирилди. Унда мамлакатларимиз ўртасидаги савдо-иқтисодий ҳамкорлиқни янада ривожлантириш, нефть-қимё, транспорт-коммуникация, кишлоқ хўжалиги, маданий-гуманитар ва бошқа соҳалардаги алоқаларни мустаҳкамлаш масалалари муҳокама қилинди.

Ўзбекистондан Туркменистонга кишлоқ хўжалиги техникаси, сархил ва қайта ишланган мева-сабзавотлар, минерал ўғитлар, қурилиш материаллари, қимё, тайёр текстиль маҳсулотлари, турли соҳадаги хизматлар экспорт қилинади. Туркменистондан юртимизга

Савдо-иқтисодий, илмий-техникавий ва маданий ҳамкорлик бўйича ҳукуматлараро комиссия фаолияти бу борада аниқ амалий натижаларга эришишда муҳим аҳамиятга эга экани қайд этилди. Мазкур комиссиянинг жорий йил 1 март кунини Тошкентда ўтказилган учрашувини савдо-иқтисодий алоқалар мустаҳкамлашида яна бир қадам бўлди.

Турли даражадаги самарали учрашувлар мамлакатларимиз ўртасидаги ҳамкорликка янги суръат бағишлаб, уни амалий мазмун билан бойитмоқда. Март ойида Ашхобода Ўзбекистон миллий саноат кўргазмаси муваффақиятли ўтказилди. Шу кунларда пойтахтимизда Туркменистон миллий кўргазмаси ва икки мамлакат ишбилармон доираларининг бизнес-форуми бўлиб ўтмоқда.

Музокараларда бундай кўргазмаларни мунтазам ўтказиш, савдо, ишлаб чиқариш кооперацияси, энергетика, транспорт, кишлоқ хўжалиги ва бошқа соҳаларда йирик лойиҳаларни амалга ошириш юзасидан фикр алмашилди.

Мамлакатларимиз минтақада йирик энергетик лойиҳаларни амалга оширишда фаол иштирок этмоқда. Йилга 25 миллиард куб метрга газ етказиш қувватига эга Туркменистон — Ўзбекистон — Қозоғистон — Хитой газ қувури лойиҳаси шулар жумласидандир.

Транспорт соҳаси ҳамкорлиқнинг устувор йўналишларидан ҳисобланади. Мамлакатларимизнинг ўзаро интеграциялашган автомобиль ва темир йўллари учинчи давлатлар учун ҳам транзит вазифасини ўтамоқда. Амударё устида қурилган Туркманобод — Фараб автомобиль ва темир йўл кўприклари бунинг тасдиғидир. Мазкур кўприклар Президентимизнинг 2017 йил март ойида Туркменистонга давлат ташрифи чоғида тантанали равишда очилган эди.

Ўзбек ва туркман халқларини бир-бирига боғлаб турадиган тарих, маданият ва урф-одатлар халқларимизнинг умумий мулкига ай-

ният арбоблари иштирокидаги концерт, бадий асарлар кўргазмаси ташкил этилди.

Ўзбекистонда туркман миллатига мансуб 192 минг аҳоли истиқомат қилмоқда. Уларнинг тили, маданияти, урф-одатларини ривожлантириш учун барча шарт-шароит яратилган.

Мамлакатимизда туркман тилида дарс бериладиган 44 мактаб фаолият юритмоқда. Бердақ номидаги Қорақалпоқ давлат университетида туркман филологияси йўналишида мутахассислар, Ажиниёз номидаги Нукус давлат педагогика институтида туркман тили ўқитувчилари тайёрланмоқда.

Музокаралар давомида транспорт ва транзит соҳасидаги ҳамкорлиқни кенгайтириш, бу орқали мамлакатларимизнинг ушбу йўналишдаги рақобатбардошлигини ошириш зарурлиги қайд этилди. Кишлоқ хўжалиги техникаси, автомобиллар, электр техникаси ускуналарини ҳамкорликда ишлаб чиқариш, нефть ва нефть маҳсулотлари етказиб бериш, чегараолди худудлар ўртасида савдо-сотикни ошириш, хизматлар кўрсатиш ва бошқа масалалар бўйича қилишувларга эришилди. Ўзбекистоннинг Туркменистон — Афғонистон — Токистон — Ҳиндистон — Газ қувури қурилиш лойиҳасида иштирок этиши қайд этилди.

Икки томонлама ҳужжатларни имзолаш маросими бўлди. Ўзбекистон Республикаси Президенти Шавкат Мирзиёев ва Туркменистон Президенти Гурбангули Бердимухамедов Кўшма баёнотни имзоладилар.

Икки томонлама ҳамкорлиқни сиёсий, савдо-иқтисодий, инвестициявий, транспорт-коммуникация, таълим ва спорт соҳаларида янада мустаҳкамлашга ва ўзаро алоқаларни изчил ривожлантиришга доир 17 ҳужжат имзоланди.

Минтақалараро ҳамкорлик тўғрисида ҳукуматлараро битим, 2018 — 2020 йилларга мўлжалланган транспорт соҳасида ҳамкор-

ТУРКМЕНИСТОН МИЛЛИЙ КЎРГАЗМАСИ — ИККИ ДАВЛАТ ҲАМКОРЛИГИНИНГ ЯНГИ ИСТИҚБОЛЛАРИ

41

Ўзбекистон Республикаси Президенти Шавкат Мирзиёев Туркменистон миллий кўргазмаси иштирокчилари ва меҳмонларига қутлов йўллади.

Кўргазманинг очилиш маросимида Президент қутловини Ўзбекистон Республикаси Бош вазирининг ўринбосари Н.Отажонов ўқиб эшиттирди.

Қутловда Ўзбекистон ва Туркменистон — стратегик шериклар экани, халқларимизни кўп асрлик дўстлик ва яхши қўшничилик ришталари, умумий тарих, дин ва тил, маданият, урф-одат ва анъаналар муштараклиги боғлаб келаётгани, бугунги кунда мамлакатларимиз бизнес ҳамжамиятлари ўртасидаги изчил ишбилармонлик алоқалари ҳамда худудлараро мустаҳкамлашиб бораётган ҳамкорлик доирасида кенг истиқболлар очилаётгани таъкидланди.

Туркменистон Республикаси ташқи иқтисодий алоқалар ва савдо вазирини Д.Ўромурадov туркистонлик ишбилармонлар учун Ўзбекистон муҳим савдо-иқтисодий худуд экани, Буюк ипак йўлининг савдо-сотик ривожланган манзилида жойлашган мамлакатларимиз тадбиркорлари ҳамкорлигининг мустаҳкамлашиб бораётгани эса тенг манфаатли ривожланишда муҳим аҳамият касб этишини қайд этди.

Ўзбекистон — Туркменистон ҳамкорлик муносабатлари янги босқичда мустаҳкамлашиб бормоқда. Бу борада икки давлат раҳбарларининг олий даражадаги учрашувлари чоғида эришилган қилишувларнинг биргаликда амалга оширилаётгани хал қилувчи аҳамият касб этмоқда.

Айниқса, кейинги йилларда ўзаро савдо ҳажми сезиларли ошди. Турли иқтисодий тармоқларда кооперация алоқалари юксалди. Бундан бир ой олдин Ашхобода Туркменистон Президентининг беvosита қўллаб-қувватлаши билан ўтказилган Ўзбекистон миллий саноат кўргазмаси ва унда эришилган кўп қиррали қилишув битимлари фикримиз далилидир.

Туркменистон миллий кўргазмасида нефть ва қимё, тўқи-



мачилик, тиббиёт саноати, кишлоқ хўжалиги ва озиқ-овқат маҳсулотлари, қурилиш моллари, транспорт ва логистика, спорт ва туризм, илмий-техника, таълим соҳасидаги ютуқлар, хизматлар намойиш этилмоқда. Туркман гиламлари, қасана-чилик, балиқчилик саноати, дунёга машҳур ахалтекин отлари наслчилиги таъкидотлари катта қизиқиш уйғотмоқда.

Туркменистонда балиқчилик саноати ривожланишининг асосий манбаи Каспий денгизи ҳисобланади. Бугун мамлакат сув ҳавзаларида балиқнинг 50 дан ортиқ турини учратиш мумкин.

— Туркменистонда балиқ ва денгиз маҳсулотларини қайта ишлаш саноати яхши ривожланган. Тадбиркорларимиз балиқ ва балиқ маҳсулотларини қўшни республикаларга экспорт қилади, — дейди Туркменистон Балиқ саноати давлат қўмитаси бўлим бошлиғи Гайир Гайипов. — Кўргазмада ҳусусий тад-

биркорларимиз ҳам иштирок этмоқда. Улар Ўзбекистон бозорини ўрганиб, ҳамкорлик қилиш истағида қелишган. Хусусан, ўзбекистонлик ҳамкасбларимизнинг балиқчилик соҳасида зарур хомашё маҳсулотлари, қадоклаш мосламалари, янги технологиялар ишлаб чиқариш тажрибасини ўрганишни режалаштирганмиз.

Президент Гурбангули Бердимухамедов таклифи билан 2018 йил мамлакатда «Туркменистон — Буюк ипак йўлининг юраги» деган шior билан ўтмоқда. Бунда мамлакатда туризми ривожлантиришга ҳам асосий эътибор қаратилмоқда. Кўргазмада Туркменистон Туризм давлат қўмитаси вакиллари иштирок этмоқда.

— Мамлакатимизда туризми ривожлантириш бўйича кенг қўламини ишлар амалга оширилмоқда. Бизда ажойиб сайёҳлик манзиллари бор. Каспий соҳилидаги «Аваза» миллий сайёҳлик зонасида 200 дан зиёд меҳмонхона, ажойиб дам олиш манзиллари сайёҳлар хизматида, — дейди Туркменистон Туризм давлат қўмитаси бўлим бошлиғи Ислам Авезов. — Туркменистон ва Ўзбекистон ўртасида туризми ривожлантиришда узoқ йиллардан буён ҳамкорликда ишлаб келамиз. Кейинги йилларда бу борада жуда яхши натижаларга эришдик. Бугунги кунда Европа, Шарқий Осиё ва бошқа мамлакатлардан Буюк ипак йўли йўналишида сайёҳатга чиққан сайёҳларнинг Туркменистон орқали Хоразм, Бухоро вилоятидаги қадимий шаҳарларга ҳамда Ўзбекистон орқали Туркменистонга ташрифи амалга ошириб келинмоқда. Бугун бу борадаги ҳамкорлик алоқаларини янада мустаҳкамлашга ишонамиз.

Туркменистон миллий кўргазмаси якунида иқтисодий алоқалар янада ривожланиши, икки мамлакат ишбилармонлари ўртасида ўзаро манфаатли қилишувларга эришилиши қутилмоқда. Бу жиҳатлар азалий дўст халқларимиз ўртасида меҳр ришталарини тобора мустаҳкамлайди.

Ўлугбек АСРОПОВ,
ЎЗА мухбири

КАСАБА УЮШМАЛАРИ — МЕХНАТКАШЛАРНИНГ ҲАМКОРИ ВА ТАЯНЧИ

Долзарб мавзу

Фермер — давр одами. Бугун унинг зиммасидаги масъулиятни унча-мунча касб эгалариникига менгаб бўлмайди. Мулк соҳиблари нафақат замин, балки ўз атрофидаги кишилар тақдирига ҳам жавобгар. Ҳўш, фермерларимиз ўз даласида меҳнат қилаётганларга қай даражада шарт-шароит яратиб беришаётир? Дала ишчисининг эртанги кундан кўнгли тўқми? Куйида ана шулар ҳусусида мулоҳаза юритамиз.

ҚУРБОНОВНИ ЎРТАГАН «ДАРД»

Мамарасул Курбонов Агротехнопарк мажмуи ҳодимлари касба уюшмаси Оқдарё туман кенгаши раислигига сайланганда бунақа бўлади деб ўйламаганди. Тармоқ ташвишлари кўш дипломли мутахассис ақлини ҳам шошириб қўйди. Бу фермер деганлари, жайдари қилиб айтганда, арслон юрак одамлар бўларкан. Бир-иккитасининг кўнглига қўл солиб кўрди. Дами анча баланд.

— Пул жигардан бўлади, аса, — деди Давлатбой дегани. — Биз одамларни «муллақиринг»га ишлатаямиз. Шунинг учун ортинча галвага бошимизни тикиб, балого қилиш ниётимиз йўқ.

Аммо туманда фермер хўжаликлари шаклланиб улгурган бўлса-да, у ерда меҳнат қилаётганлар манфаати ҳимояси назоратдан четда қолишига томошабини бўлиб туриш инсофданликми? Фермерлар орасида биргина Исрофил Мамарасуловгина тармоқ раисининг гапларини диққат билан тинглади. У бошчилигидаги хўжалик биринчилардан бўлиб касба уюшма аъзолигини қабул қилди. Фермер ташаббуси билан далада ишловчиларга намунали шароит яратилди. Ҳодимлар дам олиши ташкил этилди. Қарангки, ташаббус тезда қанот ёзди.

Тармоқ кенгаши раиси Исрофил Мамарасуловдаги ташкилотчилик, одамларни ўз ортидан эргаштириб билиш қобилиятини сезиб, ич-ичидан қувонди.

— Гап моддий манфаатдорликда эмас, — деди Исрофил Мамарасулов раис мулоҳазаларини эшитган. — Мен жамоат ташкилотни мақсад ва вазифаларини яхши англайман. Далада ишлашнинг ўзи эмас, албатта. Етарлича шароит яратиб бермасак, уят бўлар.

Шундай қилиб, таркибга кирувчи фермерлар бошини қовуштириданган туман фермер хўжаликлари ва тадбиркорлари бошлангич касба уюшма ташкилотига аъзо бўлиди. Илк йили ишда унга Исрофил Мамарасулов раҳбар этиб

сайланди. Саккиз йил мобайнида ташкилот фаолияти анчайин ривож топди. Бошлангич ташкилотнинг ташаббускор раиси фермерлар ва тадбиркорлар жамоаларида меҳнат муносабат-

фермер хўжалиги вакили Кимё Жўраева. — Барча хўжаликларда ишловчи аёллар бир қатор имтиёзлардан фойдаланиб келмоқда. Касаба уюшмалари сай-харақати билан хотин-қизлар оғир юмушлардан озод этилган. Соғломлаштиришда ҳам уларга эътибор бошқача.

Ҳа, Оқдарёда нисбатан мураккаб бўлган тармоқ ҳодимлари бошини қовуштиришда фермер хўжаликлари ва тадбиркорлар бошлангич касба уюшма ташкилоти хизматлари катта. Дала меҳнаткашлари меҳнат қонунчилигида белгиланган имтиёзлардан фойдаланиб келишаётир.

мадни расмийлаштириш, ҳулас, ҳаммаси мутахассислар қўлига топширилган. Аммо одамлар тақдирини-чи?

Қўлига қалам олиб кўнглида кечган барча ўйларни қогозга туширди. Хат кўтариб касба уюшмаларига борди. Жамоат ташкилотидagi мулоқотдан сўнг фермернинг елкасидан тоғ ағдарилди. Йўқотган нарсасини топган одамдек суюнди. Ҳулас, ўзаро келишувга мувофиқ ташкилотнинг меҳнатни муҳофаза қилиш бўлими мудири фермер хўжалигига бориб иш шароити хавфсизлиги билан танишадиган, муносиб меҳнат шароити ярат-

енг шимариб киришди.


— Хўжалигимизга касба уюшмалари вакилнинг ташрифидан бехад мамнун бўлдик, — дейди фермер хўжалиги ишчиси Қобил Зокиров. — Жамоат ташкилотининг серкира фаолиятдан хабар топдик. Манфаатларимиз ҳимоячиси ҳисобланмиш касба уюшмалари сафига аъзо бўлишни дилимизга туққанмиз. Бунга раҳбаримиз ҳам жуда хайрихоҳ. Яқин кунларда ўз хоҳишимиз билан касба уюшма аъзолигини қабул қилмоқчимиз.

ХУЛОСА ЎРНИДА

Самарқанд вилоятида 20 397 та фермер хўжаликларида ишловчи 171 минг 699 нафар ҳодим касба уюшмалари аъзоси саналади. Агротехнопарк тизимида Оқдарё ва Пастдарғом туманларида фермер хўжаликларининг бирлашган бошлангич касба уюшма ташкилотлари фаолият кўрсатиб келмоқда. Кўриб гувоҳи бўлдик, бу ерларда фермер ва тадбиркорлар қамрови кўнгилдагилек. Аммо фермерлар билан ҳамкорликдан тўлалигича қониқиб ҳосил қилишга эрта.

Мисолларга ўтамиз. Жомбой туманидаги «Замин ер ҳосили» фермер хўжалигида уч киши, Булунгур туманидаги «Аббосхон, Алибек нур» фермер хўжалигида уч кишидан иборат бошлангич ташкилотлар рўйхатдан ўтган. Бундайлар вилоят бўйича юзлаб десак ҳам хато бўлмайди. Энг ачинарлиси, аксарият туманларда хали-хануз фермерлар бошини қовуштира оладиган қучли бошлангич ташкилотга асос солинганча йўқ. Энди бир ўйлаб кўринг, уч кишидан иборат бошлангичнинг жамланма маблаг миқдори чўғи қанча бўлади ўзи? Бундан ҳодим қанчалик манфаат кўриши мумкин?

Назаримизда, АСМ тизимида бошлангичларни шакллантиришнинг мақбул, самарали тизими ҳусусида жиддийроқ ўйлаб кўриш керакка ўхшайди. Бу борада Оқдарё, Пастдарғом тақрибаси асотишига шубҳа йўқ.



Нурилла ШАМСИЕВ «Ishonch»

Ҳодимлар ҳуқуқи

Жорий йилнинг 1 март кунда «Навой кон-металлургия комбинати» давлат корхонасига қарашли 5-конт бошқармаси 2-участка оператори Зариф Бобоев иш жойида меҳнат вазифаларини бир марта қўпол равишда бузганлиги сабабли у билан тузилган меҳнат шартномаси бекор қилинган. Фўқаро З. Бобоев бошқарма раҳбарияти ва комбинатга қарашли 6-сонли бирлашган касба уюшмаси раиси Э. Исмаиловдан ишда қолдириш бўйича амалий кўмак сўраб тақдим этган ариза белгиланган муддат ичида кўриб чиқилиб, ҳодимнинг меҳнат шартномаси қайта тикланди ва унга яна бир имкон берилди.

Ҳодим ишга тикланди

Бу каби хайрли ишлар туфайли ҳодимларнинг касба уюшмаларига нисбатан ишонч ортиб бормоқда. Шу ўринда қайд этгани жоизки, 2016 йил 28 ноябрдаги «Касаба уюшмалари, уларнинг ҳуқуқлари ва фаолиятининг қаролатлари тўғрисида»ги Ўзбекистон Республикаси Қонуни ўзгартириллар киритиш ҳақида»ги қонун ҳодимларнинг меҳнат ва ижтимоий ҳуқуқларини ҳимоя қилишда муҳим ҳужжат бўлиб хизмат қилмоқда.

Мазкур қонун ижроси доирасида Навой вилоят касба уюшма ташкилотлари бирлашмаси ҳодимлари томонидан мунтазам равишда ҳуқуқий тарғибот ва даража суҳбатлари ўтказилаётгани «Ўз самарасини» бераётган. Мазкур қонун қилишлари, бирлашмага ўтган йилда меҳнат шартномасининг бекор қилиниши бўйича 3 та даъво аризаси келиб тушган. Улар қонун доирасида кўриб чиқилиб, ижобий ҳал этилди. Бундан ташқари, ҳисобот даражада меҳнат муносабатларининг бузилиши бўйича 40 нафардан ортиқ иш берувчига тақдирномалар киритилган.

Жорий йилнинг биринчи чоракда 9 та шундай даъво аризаси қабул қилинган бўлса, айни дамда уларнинг 6 таси ижобий ҳал этилди. Жумладан, ҳодимлар ишга қайта тикланиб, уларга моддий ва маънавий зарар ҳамда бекор туриб қолган вақт учун иш ҳақи ўндириб берилди.

Ж. ШАРОПОВ,
Халқ депутатлари Навой вилоят Кенгаши депутати

Муносабатда мутаносиблик бўлсин

ФЕРМЕР КАСАБА УЮШМАНИ ИЗЛАБ КЕЛДИ

...Элим деб, юртим деб ёниб яшаш, шунчаки фалсафа эмас. Бу ақлани юракка жойлашган қўл. Пайриқилик Шўхрат Фозилов ана шундай фидойилардан бири. Қай жихатдан олиб қараманг, у тадбиркор фермер. Юрак даъвати билан ер олиб фермер бўлди. Кейинчалик чорвачиликни ҳам ривожлантирди. Жониворлар бош сонини кўпайтирди. Қараса, маҳсулот мўл. Сўт-қатқини қайта ишлашни йўлга қўйди. Даромад аянада ошди. Атрофда унга тиргак бўлган одамлар кўпайди. Бундоқ ўйлаб қараса, ҳодимлари сонини ҳам элик қилишга етиб қолди.

Ҳодимларнинг бир қисми далада, бир қисми чорвада, бир қисми қайта ишлаш целида меҳнат қилаётган. Уларга лавозим маоши жорий этди. Ўзи билганича рағбатлантиришни жойига қўйди. Дам олиш шароити яратди. Барибир, кўнгли тўлмади. Кенгайиб, ривожланиб бораётган хўжалигида нимадир етишмаётгандек туюлаверди. Ахир, шунча одамнинг тақдирини унинг бир ўзи масъул. Етиштираётган маҳсулотни сотиш, даро-

лиши юзасидан ҳодимлар билан суҳбат ўтказадиган бўлди.

— Қўптармоқли фермер хўжалигида бўлиб ўтган мулоқотда барча ҳодимлар фаол иштирок этди, — дейди Самарқанд вилоят касба уюшма ташкилотлари бирлашмаси меҳнатни муҳофаза қилиш бўлими мудири Усмон Қаримов. — Иш берувчи ҳодимлар учун барча шарт-шароит яратиб беришга шай. Хавфсиз иш ўрни яратилиши, ҳодимлар меҳнати тўла қароғатли бўлишини жудаям хоҳлайди. Биз уларга бу борада қонунда талаб этиладиган меъёрларни тушунтириб бердик.

Сўт маҳсулотларини қайта ишлаш цехи бошлиғи Гуландом Шукрованинг эътирофи этишчи, бу ерда иш жараёни асосан техникани қай даражада мукамал бошқаришга боғлиқ. Касаба уюшмалари мутахассиси тавсиясиз асқотди. Иш жараёнида хавфсизлик қондаларига қай тарика амал қилишнинг йўл-йўриқлари ўргатилди. Хавфсизликка доир ҳужжатлар шакллантирилди. Хўжалик раҳбари бу жараёни тўлиқ молиялаштириш, қонунда белгиланган шарт-шароит яратишга

Ижтимоий шериклик

Тадбиркорликда пешқадам бўлиш, ислохотлар билан ҳамоҳанг фаолият юритиш ҳаммининг ҳам қўлидан келадиган иш эмас. Бунинг учун, аввало, астойдил ҳаракат, машаққатли меҳнат, шу билан бирга, таваккалчилик талаб этилади.

Ҳам элни, ҳам табиатни ўйлаган тадбиркор

Бухоронинг шундай забардаст тадбиркорларидан бири Насриддин Рашидов раҳбарлигидаги «Аҳолитранс» масъулияти чекланган жамияти ҳам аҳолини иш билан танинлаш, ҳам атроф-муҳит тозаллигини сақлашда барчага ибрат бўлаётган. Мазкур корхона таркибида ҳозирда 5,5 млрд. сўмлик чиқиндиларни саралаш ва қайта ишлаш заводи қурилди, ёрдамчи бинолар капитал таъмирланди. Чиқиндиларни саралаш бўйича иккинчи линияси резина ва яроқсиз автомашина шиналаридан муқобил ёқилги, шох-шаббалар, ҳазонлар ҳамда ёғоч тахта чиқиндиларидан брикет (кўмир), қозонни қайта ишлаш, ПЭТ қаллоқлардан синтефрон (тола), қурилиш чиқиндиларидан қурилиш блоклари (шлакоблок) ва ғишлар ишлаб чиқариш учун ускуналар харид қилиниб, ўрна-тилди.

Аҳоли ва ташкилотларга хизмат кўрсатиш сифатини ошириш, ҳосил бўладиган каттик манший чиқиндиларини ўз вақтида тегишли жойларга чиқариш учун 68 та махсус автомашина сотиб олинди, бугунги кунда 100 нафар ҳодим иш билан таъминланди. Шунингдек, жорий йил якунига қадар ишчилар сонини 1000 нафарга етқа-

зиш режалаштирилган. Таъкидлаш жоизки, жорий йил 16-17 февраль кунлари Президентиимизнинг Бухоро вилоятига ташрифи давомида ушбу корхона фаолияти билан танишиб, ўз тавсияларини бериши жамоага истикболли лойиҳаларни амалга оширишда катта туртки бўлди.

Яна бир муҳим жихат, «Аҳолитранс» МЧЖ ҳодимлари ўртасида аъзолик афзалликлари тарғиботи натижасида корхона ҳодимлари касба уюшмасига аъзо қилиниб, бошлангич ташкилот тузилди. Иш берувчи ва жамоа ўртасида 2018 — 2020 йиллар учун тузилган жамоа шартномаси ҳодимларга муносиб меҳнат шароитини яратиб, уларнинг ижтимоий-иқтисодий ва ҳуқуқий манфаатларини ҳимоя қилишда муҳим аҳамиятга эга.

Ижтимоий шериклик асосида меҳнат муносабатларининг йўлга қўйилиши корхонада улкан ютуқларга эришишда асосий омил бўлиши шубҳасиз.

Ғайрат РАУПОВ,

Истеъмол товарлари ишлаб чиқариш, савдо ва хизмат кўрсатиш ташкилотлари ҳодимлари касба уюшмаси Республика кенгашининг Бухоро вилояти бўйича масъул ташкилотчиси



Туризм

Ватан бўйлаб саёҳат

Наманган вилоят касба уюшма ташкилотлари бирлашмаси томонидан «Ўзбекистон бўйлаб саёҳат қил!» ички туризмини ривожлантириш дастури доирасида Тошкент, Самарқанд, Бухоро ва Хива каби тарихий шаҳарларга саёҳат ташкил этилмоқда. Апрель ойининг дастлабки ўн кунлигида 300 нафар ҳодим шундай имкониятдан фойдаланди. Мамлакатимизда сайёҳлик соҳасининг ривожланаётгани, бу борадаги қулайликлар ту-

файли саёҳатта иштиёқмандлар сафи тобора кенгайиб бормоқда. Бу эса ички туризм дастури доирасида Ватанимиз бўйлаб саёҳат линияларини белгилаш, мазкур маршрутлар бўйича эсда қоларли зиёратлар ташкил этиш ишларини давом эттиришни тақозо қилмоқда.

Қосимжон ХОЛБОВЕВ,

Наманган вилоят касба уюшма ташкилотлари бирлашмаси бўлим мудири

Нодавлат сектор

Мамлакатимизнинг қай ҳудудига борманг, улкан қурилиш ва бунёдкорлик ишларига гувоҳ бўласиз. Ушбу жараён қурилиш-таъмирлаш корхоналарида минглаб доимий ва мавсумий ишчилар туфайли мазмун-моҳият касб этади. Айнан шунинг учун ҳам ишловчиларнинг ижтимоий ва ҳуқуқий ҳимояси, меҳнат муҳофазаси, хавфсизлик техникаси талаблари, қўлай иш ва яшаш шароити, бўш вақтини мазмунли ўтказиш борасида белгиланган чора-тадбирлар ижроси, шубҳасиз, бугунги куннинг долзарб масалалари сирасига қиради.


Манфаатлар уйғунлигига не етсин!

Қашқадарё вилоят транспорт, йўл ва капитал қурилиш, қурилиш индустрияси ҳодимлари бирлашган касба уюшма кўмитаси раиси Боймурод Мейлиев бу борада амалга оширилаётган ишлар ҳақида қуйидагиларни гапириб берди:

— Вилоятда тармоқ тизимидаги нодавлат секторини касба уюшмасига жалб қилиш изчиллик билан олиб борилаётгани самараси ўлароқ 897 та транспорт ва қурилиш соҳасидаги нодавлат ташкилотларда касба уюшма ташкилоти тузилди. Жумладан, «Дронго темир-бетон сервис», «Қашқадарё қурилиш лойиҳа сервис», «Қоратепа метан», «Қамаши ишлаб чиқариш», «Намуна қурилиш монтаж дизайн сервис» каби масъулияти чекланган жамиятларида касба уюшмалари фаолияти бўйича ҳамкорлик яхши йўлга қўйилган. Уларда жамоа шартномаси тузилиб, меҳнаткашларнинг ижтимоий-иқтисодий ҳамда ҳуқуқий ҳимояси таъминлаб келинмоқда. Йил давомида бошлангич ташкилотлар ташаббуси билан маданий-маърифий,

спорт-соғломлаштириш тадбирлари, ижтимоий ҳимояга муҳтож ҳодимларга моддий кўмак, касба уюшма фаолларини рағбатлантириш ишлари изчил олиб борилаётган. Бу эса меҳнаткашларни муносиб меҳнат қилишга ундамоқда.

Шу билан бирга, тизимга мансуб айрим нодавлат ташкилотларда касба уюшма ташкилотини тузиш ва бу орқали ҳодимлар ҳимоясини таъминлашга эътибор етарли даражада эмас. Ҳусусан, «Қашқадарё темирйўл қурилиш ва таъмирлаш бошқармаси» МЧЖда касба уюшма ташкилотини тузиш бўйича олиб борилган тарғибот ва тушунтиришларга қарамай, жамият раҳбари Ғайрат Азимовнинг муносабатида ўзгариш юз бермади. Шундай ҳолатта «Насаф ихти-



сослаштирилган махсус қурилиш» МЧЖда ҳам дуч келдик. Жамият раиси Эркин Қўлмуродов касба уюшма ташкилоти тузилишига қарши эканлигини билдирди.

Яна бир салбий ҳолатга эътибор қаратмасликнинг сира иложи йўқ. Қатор нодавлат сектори корхоналари борки, уларда касба уюшма ташкилоти тузилган бўлса-да, аъзолик бадаллари тўланмасдан келинаётгани

боис ҳодимларнинг турли имтиёзлардан фойдаланишига эришилмаяпти. «Бинокор-дизайнқурилиш» МЧЖ, «Спартак» ҳусусий ишлаб чиқариш корхонаси, «Пахлавон» ҳусусий фирмаси, «Сухроб Сардор» МЧЖ каби корхоналар маъмурияти ва касба уюшма кўмитаси аъзолик бадалларини тўлашга эътиборсизлик билан қарашаяпти.

Биз касба уюшма ташкилоти фаолияти йўлга қўйилмаган «Нефтьгазувинишоотқурилиш» ҳусусий корхонаси ишчиси Фахриддин Сафаровни суҳбатга тортидик.

— Корхонада қанча вақтдан бери ишлайсиз?

— Уч йил бўлди.

— Вазифангиз нималардан иборат? Маошингизни вақтида оласизми?

— Ҳар хил ишларни бажариб юраман. 600 минг сўм маош оламан. Маошимни пластик қарточкага тушириб беришди.

— Шу вақт давомида корхона раҳбарлари ёки касба уюшма кўмитаси сизга саноаторийда дам олиш, саёҳатларга чиқиш бўйича имтиёзлардан фойдаланиш имконини бердим?

— Саёҳатлар дейсизми, яхши бўларди...

Нима бўлганда ҳам инсон тақдирини манфаатлари устувор бўлган, меҳнат учун етарлича шароитлар яратиб берилган жойдаги ишга бўлган муносабат ўзгариб, иш унумдорлиги ошишини асло унутмаслик керак.

Акмал АБДИЕВ,
«Ishonch» муҳбири

